

۱ شعبان ۱۳۳۲

پنجشنبه

۱۹ حیران ۱۳۳۰

تلفون ۱۰۹۷

امور اداره و تحریریه و اعلانات و سائرہ
ایچون مدیر مسئولہ مراجعت ایدملیدر .
عرفای امتک مقالات متصوفانہ ربینہ
جریدہ صوفیہ نک صحیفہ لری آچقندر .
درج ایدلیان اوراق اعادہ ایدلز .

جریدہ صوفیہ

شیمدیلک هفته ده بر نشر اولنور .

نسخہ سی ۴۰ پاره در .

ابونہ سی : برسنه لك اعتباريله ممالك عثمانیه
ایچون پشین اوله رق ۴۰ آلتی آیلنی ۲۵
غروش و ممالك اجنبیه ایچون اوزا یکی فرانتدر

محل اداره باب عالی جوارنده ابوالسعود
جاده سنده نجم استقبال مطبعه سی

عدد — ۹۷

تصوفی ، دینی ، اخلاقی ، ادبی ، سیاسی جریدہ اسلامیہ در .

سنه — ۲

کوردکاری پک چوقدر . یو سبیله آوروپا مشاهیر و مقتدرین اطبایی شمعدی مشروبات کتولیه بی دواء مقوی مقامنده دخی بر قاج سینه اولکنه نسبتاً پک آز قوللانمده در [۱] .

حاصلی شراب و امثالی مشروبات کتولیه نیک یالکیز طیب حاذق طرفندن کوستریلن لزوم اوزرینه دوا کبی ورچه ایله قوللانمده شایان بولوب بونک خلافتده استعمالنک جائز اولمایه جفنه آوروپا اطبایی حاذقه سی متفقاً حکم ایتمکده در . یو حکمک فتوای غرای شرعی به تمامی تمانه موافق بولندیغنی تکرار ایلم .

واقعا شرابک کلیاً منفعتدن خالی اولدیغنی نستعید بالله (یسئلونک عن الخمر والمیسر ...) آیت جایله سنده اشارت بیورلمشدر ؛ « سورة بقره » ده بولنان بو آیت کریمه نیک معنای شریفی [یا محمد (ص . ع) سکا خمر و قماردن سؤال ایدیورسه انلرده بیوک کناه و ناس ایچون منفعت واردر و کناهلری نفعلرندن زیاده بیوکدر دی] دیمکدر . اوت بو منفعت کناه و مضرتنه کوره پک آز بر شی قالیر ؛ چونکه بوکون خمر و امثالی مشروبات یوزندن عالم بشرینک کوردیکی مضرتنه بویله دوا مقامنده استعمالندن کورولان منفعت جزئییه قیاس ایدیورسه منفعتی او قدر آز قالیرکه عادتاً لاشی مثابه سنده عد ایلمک سزادر . شکرندن عاجز که شرع شریف مؤمنینی بو منفعتدن دخی محروم ایتمیوب طیب حاذق مسالمک توصیه سیله ایجابنده علاج صورتنده استعمالنی تجویز بیورمشدر . واقعه بو آیت جایله ایچون منسوخ دینایورسه ده نفع جزئی نیک باقی بولندیغنی شرع شریفک دوا مقامنده استعمالنی تجویز بیورمسیله مدللدر و فحول علما ایله جریان ایدن

[۱] « مشارالیه طیب میلانی اسماعیل حق پک انتدینک بوباده اثر مبعونه درج ایلمیکی بیانات آتیه سی من کل الوجوه جالب دقت و انتباهدر . مشارالیه دیرکه بر قاج سینه اول بیورنده صحیه مقتضی بولندیم سرده دوچار اولدیم « نه فلو نه ترا » سبیلله شدید براوکسورکه طولنش ایدم یکرمی طغوز کون نهوده قالفه مجبورت حصوله کلدی . خسته لقی یکدکدن صکره قالمش ضعف مناسبتیه تقویه جسمه حاجت کورولدی . بیروت فرانسر و آمریقان مکتب طبیبلرینک اک مشهور معلمینی ایله مملکتده کی سائر اطباءدن برخیلیسی کلوب کیدیورلردی . تجربه سی آز بریسی اینی شراب قوللانمده توصیه ایتمدی . بالتصادف عاجزلرینی شراب قوللانیر فکریله « صدف » ده کی موسوی دوستلرمدن بریسی صورت خصوصیه ده اعمال ایلمش اک قیبتلی جنسندن بر قاج شیشه شراب کوندرمش ایدی ؛ بو شرابلری فرانسر مکتب طبیبی معلملرینک اک مشهورلرندن موسیو « دوپرون » اراشه ایتمکده بر آز طادینه یقندن صکره غایت اعلا جنسندن بر شراب ایدوکنی تصدیق ایله برابر مقوی بولمقی اوزره شراب استعمالنه لزوم اولیوب اسپرتولی مشروباتدن کورولان منفعتک داغی بولندیغنی مضرتنه نسبتله اهمیتیز قاله جفنی درمیان ایله قطعاً عدم شرعی طرفنی التزام ایتش ایدی . بوقعه حالا بیروت بلذیه سرطینی بولنان عزتلو خلیل پک انتدی جهده معلومدر ؛ کندیسی ده مقوی بولمقی اوزره شراب استعمالنک علیهنده بولنان اطبا جهل سندن بولنیوردی . عاجزلری ایسه ذاتاً بولنری سوه نلردن بولندیغندن مذکور شرابلری خرستیان اطبا ارتدالشربه کوندیریوردم والحمد لله تعالی یالکیز سوت و عبورطه و بالتصادف کثر نتیجه الد ایدیان قوش اتی وسائر کبی طبیات رزق و حلال غدارله آز وقت ظرفده اعاده فوت ایتدم . بوراده « بیروت صیقا قدر شراب ایوکیز » کبی بر فکر کله یلیر ملاحظه سیله موسک قیش ایدوکنک علاوه بیانه لزوم کورورم .

بحمد الله میسر اولدی وصلت بزم جانانه سواحی کیدوب دلدن ایرشدم قریب رحانه رموز علم الاسیاه مظهردر بوکون سرم جلوس ایتدم هزاران عزایله تخت سلیمان لباس کهنه تندن وجودم ایلدم عاری کییوب ، برخفت زیبا شهشاه اولدم اکوانه منوردر کوکل نور هویتدن که حکمتله افاضه ایلدی شمس حقیقت عین اعیانه لدنی علمی اوکرن کتاب الله ناطقندن اوپر سرالهدر یازلاز لوح امکانه ذکاکی فضل حقله چشم جانی روشنا قیلدم سوروب روی سیاهم خاک پای شیخ شعبانه

حسین و صاف

علویات اسلام

ام الفساد ، سم العباد بر مشروب ممنوع :

— خمر —

— مابعد —

(۲۱)

انصاف ایله دوشونلسون بونلر دین مبین احمدینک ادیان سائر خلافتنه عشرتک یالکیز سرخوشلغی دکل قطره سنی حرام ایتمسنک علویتی اظهاردن بشقه نه کوستریورلر ؟ بوراسی بویله ؛ دیکر جهندن احتمالکه بو مسروداته قارشو بر سؤال خاطره کله ییلورکه اوده « جانم بو عشرتلی هیچ می قوللانمائی ؟ ایچلاننده نافع بولنانلر یوقیدر ! » سؤالیدر .

علم طب و فنون سائر نیک بو قدر ترقیسی و عصرلردنبرو تکرر ایتمکده بولنان تجربه لردن متحصل معلوماتک کثرتی ایله برابر شیعدی به قدر حکما بو باده قطعی بر جواب ویره مامکده ایکن صوک زمانلرده « فیزیولوژی » و « کیمای تحلیلی » کبی علوم اساسیه به مستند آبیانلر تحقیقات و تدقیقات جدیه نتیجه لرنده بو سؤاله قطعی بر جواب ویرلمکه موفقیت حصوله کلشدرکه اوده دین جلیل احمدی و علمای کرانمک بیک اوج یوز سینه اول ویرمش بولندقلری جوابدن مقتبس دینلمک سزا بر جوابدر ؛ بو ایسه بتون ملل متمدنه حکما و مدققینک رأی حاضرینه نظراً : (قطعی بر لزوم طبی بولندمده مشروبات کتولیه نیک بر قطره سنی بیله ایچمه ملیدر ؛ شاید بر طیب حاذق طرفندن دوا کبی ویریلورسه او وقت یالکیز خسته لقی زمانلرینه منحصر بولمقی اوزره دوا در دیو ایچمک جائزدر .) مآلندن عبارتدر .

ایشته شرع شریف مصطفوینک لطف و احسان بیوردیغنی جوابده بونک عینی در ؛ طیب حاذق مسلم طرفندن « شرب و استعماله لزوم لزوم قطعی واردر . » دینلیدی وقت شرعاً حرام دکدر . طیبیک حاذق و امین بولنسی شرطدر ؛ زیرا حال حاضرده دخی اسپرتولی مشروباتک لزوم طبیسی واردر ظنیله مقوی ، معدده وی وسائر صورتلرله استعماللرینه حریم بر طاقم طبیبلر بولنه ییلور . بونلرک اکثر احوالده رأیلری اصابت ایتمدیکندن خسته لک منفعت یرینه مضرت

مباحثه ده بو صورت تصویب ایدلمشدر ومنفعتی طیب حاذق مسلمک رایله مباحلق کسب ایتدکدن صکره قبول ایدله بیله جکی ده آریجه شایان عرضدر .

آوروپا بحرین مشهوره عسکرینه سندن برچوقلری ده عسکرلکده عشرتک تولید ایده جکی مضرت و تهلکدر حقنده - بالخاصه نظامات و انتظامات عسکریه و انضباط عسکریه به متعلق کتب و آثار و رسائل موقوته و مطبوعات عسکریه ده - بر جوق بیانات و نشریاتده بولنمشدر . انلردن بر طاقلرینک خلاصه لرینی جمع و تألیف ایله آتی به درج ایدبورز .

آوروپا ملل مختلفه سنه انواع مسکراتک تأثیری الک زیاده اشبو ملتله غائد اردولر اوزرنده جلوهر کر و محسوسدر .

جهان عسکرینک الک بیوک و مهم اردولرندن روس اردوسی قرده ده ، دکزده مغلوب و مضطحل ایش بولنان ژاپون اردوسی افراد و ضابطاننده اخلاق و فضائل مکملیه عسکریه و ملیه ایوجه کولکشمشدر . بونلرک وجودینه ایسه ژاپونلر نزدنده مشروبات کتولیه استعمالنک - احوال و عادات قومیه و دینه و اقلیمیه لری سائقه سیله - رواج و رغبت بوله مامسی کیفیتی الک مهم بر سبب تشکیل ایلکده در . مخرب انضباط و انتظامات عسکریه بولنان سرخوشلق ، عیاشلق افعال مکروه سیله ژاپون افراد عسکریه سی و ضابطاننک هیچ بر صورتله مناسبی بولنمدینی متحققدر .

هیچ شبهه یوقدرکه مرهانی دولت و ملتده بولنورسه بولنسون عیش و عشرت و سفاهته ابتلا ، سرخوشلق ، عیاشلق قدر بر اردونک انتظام و انضباطنه ، احوال روحیه و حسنه سنه تأثیرات مضره نظام شکنانه اجرا ایده جک احوال ذمیمه یوقدر : ارکان و امرادن مألوف عشرت و سرخوش بولنانلره حضروسفرده یابه جقلرینی غائب ایدوب ، یابدقلرینی پک فنا و یا نقصان یاپوب وظائف مقدسه عسکریه لرینی سؤ استعمال ایدر ، مادون ایچون فنا بر نمونه امثال تشکیل ایدرلر .

ارکان و امرایه نظراً افراد عسکریه به دهاییقین وانلرله دهه زیاده تماس وانطباقده بولنان ضابطان و کوچک ضابطانک عشرتی ، حال سکری ، سرخوشلق و عیاشلانی ایسه عسکر اوزرینه صوک درجه لده مضر بر تأثیر الیم یاپوب کندولرینک افراد اوزرینه تأثیر و نفوذ لرینی قییار ؛ انلر نظرندده حیثیترینی اخلاص ایدر ؛ ایسته شوصورتله انتظامات عسکریه ، انضباط عسکریه ، اطاعت و انقیاد و مافوقه تعظیم و حرمت ، قوانین و نظامات موضوعیه فرط انقیاد و متابعت خواص و حساری ده محو و اضمحلاله طوغری سوزیلوب کیدر . انلرک الغدای ایسه وقت صلحه قزارگاه و قشله لده انواع قنالقیر تولیدینه بادی و هنکام محاربه ده درلو و خاملر ، فلاکتلر تحصانه باعث بولنه بیلور .

سرخوش و بیپوش ضابطانک آمرلری ، تربیاتلری ، قوماندلری هیچ شبهه سز رجعتلر ، هزیمتلر تولیدینه اسباب اصلیه در . بناء علیه سرخوشلق و عیاشلق دن بیوک و کوچوک رتبه لی هیچ بر عسکرده اثر بولنماق ، اردوده و هریرده عسکرک مسکرات استعمال ایلنسه شدله مخالفت و ثمانت قلمق ، قوانین و نظامات عسکریه نک مسکرات استعمال ایدنلر ، سرخوشلر حقنده تعین و امرایتدیکی جزالر همد برصورت شدید و مؤثرده - داعی عبرت بولنه جق صورتده - تطبیق واجرا قلمق بالخاصه دور حاضر عسکرلکنک احتیاجات شدید و مبرمه سندنر . خصوصات مذکوره نقطه نظرندن کرڈارضک الک بختیار براردوسی واریسه اوده اردوی عثمانی ایدوکنه شبهه یوقدر : چونکه بین الاسلام مسکرات قطعاً حرام و ممنوع و استعمال ایدنلر شدیداً جزا دیده و مدخول ایدوکندن محاذیر و مطالعات معروضه عثمانی اردوسی ایچون وارد دکلدر . خمر خیت اساساً بر اسلام اردوسی بولنان اردوی عثمانیه دخوله فرجه بوله ماز ؛ بوصورتله اردوی مذکور اولجه تعداد ایدیان بر جوق قنالقیر ، تهلکدردن آزاده در .

جهانک الک مکمل اردولرندن معدود بولنان آلمان اردوسی بیله - ضابطان نزدنده شامپانی و مسکرات سائرده و افراد نزدنده بیره استعمالنک بدرجه افراطه و اردیرلنسدن طولانی - بر جوق رجال مشهوره عسکریه نک معروض تنقیدات و مؤاخذاتیدر .

فرانسه حربه ناظر اسبقی جنرال « آندره نک » اولجه بیان ایدیکی اوزره بوندن سکز اون سنه اول فرانسه ده کی قشله بقالرنده ، قرارگاهلرده مسکرات بیع و فروت ایدلسنی شدله منع ایتک ، اردوده مواد مسکره استعمالنه قطعاً ثمانت ایلنک تشبته و بوبابده خیل اجرا آتده بولنسی عیش و عشرت و سفاهت یوزندن بر انضباط متینه بر درلو تماماً اقتران ایده میان فرانسه اردوسنده تأسیس و تأمین انضباط و انقیاد و اطاعت مقصد مهمنه مستند بولندیغه اصلا اشتباه یوقدر .

برمدتدنبرو آوروپاده دخی کندی بیلن بر جوق اعظم و محررین عسکریه نک ، متفنن و صاحب وقوف سیویل و عسکر برخیل رجال و خواصک ، برطاقم الک زنکین و اصیل و تربیه و معلوماتی عائله لر رؤسا و ارکاننک اصلا و قطعاً مواد کتولیه یعنی مسکرات استعمال ایتماکده بولندقلری وهله بر قسمنک قطره سنی بیله آغزلرینه قومقندن صورت قطعیه ده احتراز و اجتنابه باشلادقلری محقق و ارباب تدقیق و سیاحتک بیانات و مشهوداتیله مرتبه ثبوتده در .

فرانسزلر و ملل سائر غریبه نزدنده و بعضی اردولر و بالخاصه فرانسه اردوسنده عشرتک حاصل ایتدیکی تأثیراتدن بحث ایدن بارسده مطبوع بر اثر عسکریده فرانسز افراد عسکریه سنی سفاهت و عیش و عشرته بر قوه سائقه نک سوق ایتدیکی و اوقوتک دخی همان فطری و جبلی بولنمدینی بیان ایدله بورسده بوقضیه موافق الحق و حقیقت دکلدر بزجه انلری او یوله سوق ایدن قوت خوی و اعتیاد محصولدر :

قافله ارکانی نوبته قبره جیقور ، اشیا لینی طاشیوب کتیرمش اولان دوه لری اولتایوردی .

بر کون عمرو بن العاص ، قیده دوه اولتادیغی ائنده بر راهب حرارتدن بایلا جق بر حاله ککش اولدیغی کوردی . واینده کی قبره دن براز صو وروب اونی اولومدن قورتاردی . مکر بو آدم اسکندریه لی اولوب برای زیارت قدسه ککش بر پاپاس ایش .

پاپاس اقدی ، صوی ایچدکن صو کرا براز اوتیه چکیلوب یرم اوزاندی و درین بر اویقویه دالدی .

اوصیراده جسیم بر ییلانک پاپاسه طوغرو کلدیکنی کورن عمرو ، بر اوق آتوب او مدھش جانواری اولدوردی . پاپاس او یانوب یانی باشنده ییلانک لاشه سنی کوردی و عمرو طرفدن قتل ایدلیدیکنی آکلادی . قوشوب عمروه تشکر ایتکله برابر آلتندن اویدی و :

— جناب حق ، سنک واسطه آله ایکی دفعه بی اولومدن قورتاردی دیدی . صو کرا واسطه خلاصنک زره لی اولدیغی ونه مناسبتله بوراده بولوندیغی صوردی . عمرو ، مکلی اولوب تجارت ایچین قدسه کلدیکنی و قازانچندن بر دوه آلمق ایسته دیکنی سویله دی . پاپاس :

— سزدن بر شخصک دیتی ندر ؟ سؤالنده بولوندی . عمرو :

— یوز دوه ودر . جوابی ویردی . پاپاس :

— بزده او قدر کثرتلی دوه یوقدر . معاملاتمزدہ درهم و دینار ایله در . ده نیجه عمرو :

— او حالده بر آدمک دیتی بیک دیناردر . دیدی . پاپاس :

واسطه کله ایکی دفعه اولومدن قورتولدیغی ایچین سکا ایکی دیت ویرمک ایستردم . فقط بوراده غریب اولدیغمدن طولانی او قدر یارہی بولوب ویرہ میه جکم . مملکتہ کله جک اولورسه ک ایکی بیک دینار ویرمک وسنی محافظه ایتک اوزره جناب حق اشهاد ایلم . دیدی . عمرو ، شو تکلیفہ قارشى قبول ویا رد جوابی آرقداش لریله کوروشوب قونوشایه تعلیق ایتدی ورفقاسنه بخی آکلادقدن صکرا :

— ایچیکزدن هر کیم ، بنله برابر کلیرسه آلاجم یارہ نک یاریسنی اوکا ویریم دیدی . یولداش لری عمروک کیتہ سنی تنسیب ایله آرا لرنده بری کنیدیسه ترفیق ایله دیلر .

پاپاس بونلری آلوب اسکندریه یه کوتوردی . بلده نک وسعت و زینتیه اھالیسنک کثرتی عمروک تعجیبی موجب اولدی . او وقته قدر اودرجه کوزل و قالابلق بر مملکت کورمه مشدی . شهره کیرمه سیده بر بایرام کونه تصادف ایتشدی که او کون امرا و اعیان بلده ، طوب اوینایورلر و او مذهب طوب ، کیمک یخی ایچنه کیرہ رسه بالاخره او آدمک حکمدار اوله جفنه اعتقاد ایدم لرلری .

پاپاس ، عمروی اقامتگاهنه کوتوروب کیدیردی ، قوشاندی . صو کرا طوب اوینانان میدانہ کتیردی . او ائنده اویونچیلردن برینک آتدینی طوب بالتصادف عمروک یکینه کیردی . کورنلر شاشیدیلر و :

اخلاقونک معلوملریدر که اخلاقک جله سی اسباب خارجه واحوال عارضه دن حصوله کلوب هیچ بریسی فطری وجبلی بولنه مامقله ممکن التبدیلدر . هر حالده سفاھت وعیش وعشرته آلتی ، زهر لیمک وزبون وخسته دوشمک خاصه سی جبلی وفطری اوله میوب اعتیادات مضره ومذمومه جله سندن ، افعال مألوفه مستکرها وشیطانیہ زمهره سندندر .

مابعدی وار موزہ عسکری مدیری

احمد مختار .

فتوحات اسلامیہ

مصر و اسکندریہ نک فتحی

مصر فتحنک باشلانماسیله بیتریله سی هجرتک ۱۸ نجیسندن ۲۰ نجی سنہ سنہ قدر سورمشدی . بعض مؤرخلر « فتوحات مصریہ ۱۶ نجی سنہ دن ابتدا ایتدی . چونکه : عمرو بن العاص (عام الرماده) ده شاب ده کیزی طریقیله مدینہ یه ارزاق یوللا مشدی . حال بوک : حجاز قیطلنی اون سکزننجی سنہ هجریده ظهور ایتش و او بیلک (عام الرماده) تلقینہ بادی اولمشدی « دیرلرسده روایت اولی ، اصح و اقوادر .

(امام سیوطی) (حسن المحاضرہ فی اخبار مصر والقاهرہ) عنوانی کتابنده یازارکه : اون سکزننجی سال هجریده وعمر بن الخطاب رضی الله عنه حضرت تلرینک (جاییه) قریه سنہ بالورود شام امراسیله کوروشدیکنی صیراده (عمرو بن العاص) حضور خلیفہ یه کیرمش و :

— یا امیر المؤمنین ! بکا اذن ویر . کیده می ، مصری فتح ایدیم دیہرک خطہ مصریہ ده کی فیض ویرکندن و فتحنک مسلمینہ باعث اولاجنی قوت ووسعتدن اوزون اوزادی یه بحث ایله مشدی .

خلیفہ حضرت لری ایسه ایران و سوریه طرفلرنده مشغول اولان مجاهدینی برده مصرله اشغال ایتہ مک ایچین او آره لق عمروک طلبنه مساعده بو یورما مشدی . چونکه : جناب فاروق ، مسلمانلرک یک زیاده آچیلوب داغیلمالرینی ایسته میوردی . فقط عمرو بن العاصک تمادی ایدن مطالباتنه قارشى دایا تامادی . مصر اوزرینه یورونولسنه بالاخره اذن ویردی .

ابن العاصک فتح مصر حقنده بو درجه خواهش کوسته رمسی ، قبل الاسلام اورایه کیتمش و اھالیسنک حرب و ضرب اھلی اولمامالریله برابر اداره لرنده بولونقلری روملری پکده سه و مه دکلرینی کوروب آکلاماسندن ایلری کلیوردی . بو سیاحتی ، (امام سیوطی) اوزون اوزادی یه یازمش اولدینی جهتله بزده بروجه آتی ترجمه ونقل ایدم جکر .

قیشین یمنه ، یازین شامه کیدوب تجارتده بولمقی صورتیله تأمین معیشت ایدن قرشیلردن بر جماعت لاجل التجاره قدسه ککشلردی که عمرو بن العاصده بونلرک آراسنده بولونویوردی .